

金園集
五
門相抱啼念女雖弱齡所佩寧鞮觸行矣慎所之
驅策振霜蹠渡河覽中流倚岱窺虹霓荆花勿攀
折鄂鞮留新題

苦雨

四月霖霖降五月不可遏祝融司令序雨師久侵
奪晴雲乍卷舒閃倏變陰靄奔瀑入簷牖響瀨噴
泉磕欹枕不成寐但聞隣語聒疾雷破墻屋魚鱉
滿閨闥披衣起高坐道路嗟泥濘欲出問農事何
以曳屨鞮呼童渡郊西爲我鼓雙舩推蓬瞰四野